

ORATIO R. D.
SCIPIONIS BONGALLICI RO.

CIVITATIS CASTELLANÆ ET

Ortanæ Episcopi, in Festo omnium
Sanctorum habita.

M. D. LVI



BIBLIOTECA NAZ.
ROMA
VITTORIO EMANUELE

Romæ, apud Antonium Bladum Impress.
Cameralem, Anno M. D. LVI



VONIAM non val-
 de stentoreus fuit Epi-
 scopus , & accelerans
 breuitatis studio non
 nulla dum haberetur
 omisit oratio , iccirco
 multis efflagitantibus
 modo procedit in pu-
 blicum, licet inuita & verecunda , vt auribus
 & oculis audientum, si poterit, rem sane per-
 difficilem , faciat satis . Tu vero pie Lector
 lustra Pantheon istud, & cōtemplare nostro-
 rum Terrenorum diuorum , siue hominum
 celestium perpetuas aternitates & glorias, ad
 quas vtinam nos etiam tres Christianæ Gra-
 tiæ perducant , Spes , Fides , Charitas , quæ
 tria manent, deficientibus ferè rebus cæteris
 vniuersis, quinimmo ipsa vna, quæ plusquam
 vera Pandora est , & vnica sufficit , nos regat
 & prouchat Charitas , Viue & vale,

AD SANCTISS. D. N. PAVLVM
 QVARTVM CARRAFAM PONT. MAX.
 Scipionis Bongalli Ci. Ro. Episcopi Ciuitatis
 Castellanae & Ortanae, in die Sancto-
 rum omnium Oratio.



VPRA montem excelsum ascende qui
 euangelizas Sion, Isaia 40. Legimus
 in sanctis Libris, Pater Beatissime, des-
 censum, & ascensum Dei in montem
 & aperte vidimus de descensu ema-
 nasse veterem carnis, timoris, & hor-
 roris legem, de ascensu prodiisse no-
 uam, plenam spiritus, amoris, gratiae, et fauoris: in des-
 censu audita tonitrua & omnia terribilia, in ascensu vo-
 ces Angelorum, lingua celorum, & diuina visa miracu-
 la: ibi nigricans fumo, & caligine mons, hic splendor
 & ignis in sublimi vertice, lucidissimus illuminator: ibi
 occultatio per figuras & obscurum, hic manifestatio, &
 claritas per effectum: ibi lex operandorum, & prophes-
 tiam credendorum, hic opera & virtutes: ibi nox, hic
 dies venit, totius consumatio sacrosanctum nostrum
 omnia viuificans Euangelium, virtus Dei omni creden-
 ti. sed fuerit aliorum sane grauis ille descensus, dummo-
 do sit noster ascensus, dummodo conscendamus hodie
 cum Iesu duce & capite nostro, & perdiscamus quid res-
 rum gerendum nobis sit, vt bene, beateq; viuamus, &
 moriamur, simulq; deuoratis cupiditatum voraginibus,
 ac perfractis voluptatum harpagonibus, qui nos curuos
 in terrā tenent, pennis animorum quae sunt recte facta,
 immo duabus duorum mandatorum alis, omnes pennas
 habentibus, vt Aquilae non cecutientes ad solem, eleue-
 mur sursum, volitemus sursum, & relinquamus deorsum,
 vt quas modo alacres octo audimus iacentes ad pedes
 Iesu, postremo eodem tribuente feliciter assequamur
 beatitudines.

Ad quas quidē si pergere volumus, cupidi in montē
cum suis ad eum discipulis accedamus, à 30 & 3 Psalmo
instructi aiente, Accedite ad eum, illuminamini, & facies
vestræ non confundentur, in petitionibus repulsam nō
patientur. Is verò ille est, de quo cap. item 4 & 20 Ecc.
dicitur, In ecclesiis altissimè aperiet os suū, non vt antea
Prophetarum, & Apostolorum ora. Is ille est, qui erat
ante omnia, & semper in omnibus est, & erit semper in
omnibus. Is ille est qui mēsus est pugillo aquas, & cēlos
palmo ponderauit, qui appendit tribus digitis molē ter-
ræ, & librauit in pondere montes, & colles in statera.
Acceleremus itaq; & verba vitæ audiemus. Largus enim
est, benignus est, & quæ dixit olim instructor Apostolis,
dicit & nobis loquetur ad cor Hierusalem, dicet & poste-
ris per annos æternos, & sæcula ventura dicet, Beati pau-
peres spiritu, quoniam ipsorum est regnum cēlorum.
Felix sane doctrina exordium sumēs a Beatitudine, quæ
est purgati animi, immo perfectæ animæ virtus. ista nem-
pe volentibus pollicetur suauitatē in futura beatitudine,
in spiritu humilitatem, in æterni regni possessione utilita-
tem: & cum triplex paupertas esse dicatur, voluntaria, ne-
cessaria, atq; simulata: vna est laudabilis, tolerabilis altera,
tertia vituperabilis, Nam prima est pauperum Christi,
mundi pauperum secūda, tertia pauperum diaboli, Pri-
ma paupertate sunt beati pauperes qui paupertatem ma-
gis tram vitæ esse censent, beati pauperes qui Dei existi-
mantur semper esse: beati pauperes, superbix, luxuriæ, in-
uidiæ, auaritiæ spiritu pauperes, sui opinione, sui existi-
matione pauperes, qui quantūuis magni sint, se se tamen
agnoscunt, & aliis ignoscunt, se se amurcam olei, se fecē
vini esse intelligunt, se bullam esse vident, se tanq̃ ex se
nihil esse sciunt, & cum omnia fecerint non sunt, sed di-
cūt serui inutiles sumus, ii beati pauperes eo spiritu neq̃,
qui exagitabat Saul 1 Reg. 16. beati pauperes spiritu p-
cellarū Psal. 10. nam pauperes spiritu, sunt humiles cor-
de, beati inquam pauperes, qui non de Tantali genere,
adulatores

adulatores sunt non impostores, non destructores sunt,
non fortunis, aut dignitatibus tumidi sunt, non impudici
arrogantes, impudētes sunt, sicuti aliqui curiæ filii. Beati
ergo pauperes spiritu, spirituali scilicet voluntate, ut ex-
cludatur & falsitas in Hypocritis, & vanitas in Philoso-
phis, ii nimirum beati pauperes voluntarii qui veras di-
uitias amarunt, nec sperauerunt in pecuniæ thesauris,
ideoque agiles facti sunt ad sequendum ad altiora Domi-
num, dicentes. Ecce reliquimus omnia, & sequuti sumus
te. Graciles facti sunt ad intrandā portam paradisi, ones
re exonerati grauium sarcinarū, & edocti de camelo per
foramen acus potius intrāte, q̄ homine locuplete impio
atque nefario, ad Deū penetrāte. Diuites facti sunt ad emē-
dum regnum cēlorum, quod quidem significari creden-
dum est per agrum illum venditionis Christi, pretio cō-
paratum in sepulturam peregrinorum, qui quidē eras-
mus nōs vnde Xps ipse p̄clamat, venale habeo, venale ha-
beo, quid? Regnū cēlorū. Ecqui nam emitur? paupertas
te regnū, humilitate gloria, labore q̄es, morte vita. Iure
itaque optimo cēdat: quæ paupertati semper opponitur
ventosa, ambitiosa, ampullosa superbia, vitiorum caput
colla submittat, quoniam pauperū spiritu indubitanter
est regnum cēlorum, quod est dicere, Christus pauper
est, scriptura sancta pauperum est, militās & trium-
phans Ecclesia huiusmodi pauperum est.

Sed qm̄ in mundo deteriora vincūt, iccirco pauperes
isti domini pusillus grex sæpe iniuriis afficiuntur, lace-
rantur opprobriis, lacesuntur conuitiis, persecutionib;
bus flagellantur, obruuntur insidiis, cēlestis iccirco do-
ctrina eos confirmat ad extrema quæque fortiter perferen-
da, & de primo gradu tollit ad alium, ut contendant fe-
stinantes ad apicem, qui Ecclesiastici decimo describitur
sedes superbiorum destruxit, & sedere fecit mites pro eis.
Qua de re hic dictum est, beati mites, beati mansueti,
christiana profectō, & charitatis nomina, qui ipsi quasi
suo iure quodam adibunt hæreditatem illam, quæ stabis

limentum est & finis, hereditatem quæ sola est hereditas
& non alia, nam neq; cæcus thesaurus, neq; caduca mun-
di omnia hereditas habent commodum, sed sola illa est
hereditas, in quibus est portio Deus. Nam in Psalmo di-
citur, mansueti hereditabunt terram, & alibi, ppter man-
suetudinem, & iustitiã tuam, deducet te mirabiliter dexte-
ra tua. Mansuetus est in effectu, mitis in affectu, mitis nec
irritat, nec irritatur, neminẽ offendit, & offendentem p-
fert, mitis patitur iuxta Philosophi dictum, sed non des-
ducitur quod est lesionem non sentit, mitis æquanimiter
omnia sustinet, innocens est, patiens est, longanimis est.
Beati ergo mites, quoniam ipsi terram possidebunt, terrã
quam terunt, terram quam gerunt, terram quam quærũt,
terram mundi, terram sui corporis, terram paradisi, quis
nimo quod maius est, possidebunt dominum in terra vi-
uentium, & sic erit eis vita de vita, sabbatum de sabbato, *cf*
Isaïas asinus fortis Gen. 59 vidit requiem q̃ esset bo-
a na, & terrã q̃ esset optima, & supposuit humerũ ad por-
tandum. Super hũc asinum mansueti ascendunt, & sedẽt
mites, in portu siue tempestate, semper vndique tuti ab
omni peruersitate, proteruita, improbitate, fallacia & les-
uitate fortunæ. Quod si pauperibus regnum cælorum,
pex & mitibus terra p̃mittitur, quid ergo superbis & arro-
gantibus nisi infernus relinquatur?

Ast modo videamus lugentes, p̃fecto numero, & loco
& statu suo fortunatissimos, nã post mundi contemptũ
per paupertatem, post quietem mentis per mansuetudi-
nem, nihil in se nec in aliis videt homo Dei, nisi flebile,
& lamentabile quippiam. Ideoq; secum tacitus luget, &
eleuans se supra se, alta mente cõsiderat, quod vere beati
sunt, qui sua peccata lugent, beatioreẽ qui aliena, nam qui
aliena lugent, certum est, q̃ sua non habent quæ lugeãt,
sed p̃fecto beatus est iste luctus, qui homines beatos fa-
cit. Est nãq; mare illud arneum in templo Ecclesiæ, in
quo lauãtur Sacerdotes, 2 Paral. 4 Est secundus baptis-
mus in domo domini, in quo mundantur fideles, est bal-

neum in pomerio Susannæ, Daniel 1. Est irriguū terræ
aride, Iudic. 1. Est cisterna Bethlehē, cuius aquas in libris
Regnorum desiderauit Dauid. Est fons hortorū, & pu-
teus aquarum uiuentium, Cant. 4. Est natatorium Siloe
in quo cæcus visum recepit. Est Iordanis fluuius, in quo
Naaman Syrus mundatus est. Est probatica Piscina: est
cella vinaria, in qua introducitur sponsus: est deniq; ma-
re rubrum, in quo submerguntur Aegyptii, exercitus scili-
cet, & turmæ Satanicorum. sed vt peccatorum risus in lu-
ctum cito vertendus est, & gaudia in mœrorē, sic piorum
iste luctus verteretur in cōsolationem, Io. 16, plorabitis &
flebitis vos, mūdus autē gaudebit. sed tristitia vestra vertet
in gaudium .s. sempiternū, gaudium quod nō datur im-
piis, bone Deus gaudium quod gaudere facit in te, de te,
& propter te, summum summa de veritate gaudium.

Post lugētes cāpos, quarti meritō veniūt contēplandi,
quoniam esuriunt, & sitiunt iustitiam. Hęc quippe virtus
vt est generalis ad virtutes omnes, sic ea præsenti in seculū
lo perfectē potiri nequaquā possumus, quoniam instabiles
in via sumus, & aliō tendimus: sed quidem certē planum
est, q̄ ipsius fons non est alius nisi Deus, vnde qui hanc
habet, prudentiam habet, temperantiā habet, fortitudi-
nem habet, ceterasq; omnes virtutes habet, & in quauis
actione rerum luculenter intelligit, q̄ iustus ille non est
qui non facit iniuriam, sed qui inferre potest, nec vult ta-
men. vnde iustus ius suum vnicuiq; facile tribuit, Deo in
primis tria, summo vt auctori, & creatori honorem, amo-
rem redemptori, timorem iudici. proximo tria, superioribus
obedientiam, paribus cōcordiam, inferioribus bene-
ficentiam: sibi tria, cordis mundiciam, oris custodiam, &
carnis disciplinam. esuries ista & sitis igitur satiabitur cū
apparuerit gloria Dñi. Verūmenimūero Euangelii iste
locus nō oscitanter vt reor p̄mittendus, quinimo anis-
maduertendus, & diligenter excutiendus est, nam planum
nobis facit, quid de te Maxime Paule Pontifex sperare
debeamus, qui loco quarto in excelsis pulcherrime col-

locatus sedes, & inde solū Deū spectas, & suspicis, & post
hūc vnū, omnia inferiora habes, patrui insignissimi Car
rafae tui Olīuerii Cardinalis veri, vestigiis inherēdo, qui
te p̄clara omnia docuit, cum & esset, & haberetur exē
plum veteris sanctitatis, Ast ipse canam eius sapientiam
transcendisti, & gressibus tuis celsior ambulasti, Iecircoq;
Iulio I I. Leoni X. Adriano V I. Clementi V I I. Pau
lo I I I. Iulio item I I I. Marcello I I. tum charissimus,
tum vtilissimus, tum honestissimus extitisti; Semper enim
vt olim Pallas Vlissi, facem tibi prætulit, & grandia facta
subministravit, Pietas antiqua, senex Ecclesie simplicitas,
prisca fides, Religionis primæua Maiestas, vnde poporū
tūc salutaris ea a te forma processit plectēdi improbos
veteratores, innouatores, ex omnium scelerum colluuios
ne natos hæreticos, quæ quidem forma nisi prudēter ex
cogitata, & tempestiue promulgata fuisset, res forsītā to
ta hodie nostra funditus corruisset. Sed vtinam errantes
illas & perditas oues restitueret, & hanc palmā tibi refer
uaret deus. Nā Germania latissima puincia atq; nobiliss.
quæ suo & aliorum vitio improuida cecidit, & putridū
facta mēbrum tandiu a capite aberrat & abscinditur suo,
ad te suum redeundo Pastorem per esuriem & sitim ius
titie sanata reuiuisceret, atque in quarta Euangelii do
mo, quarta & ipsa beata consisteret.

Sed cū ipse iustitie dexter oculus & clarissima lux sit,
quæ modo quinta sequitur misericordia, esse quid dicam
cur nō sexta, cur nō septima, cur nō octaua numerata sit?
Animaduertitore quæso mysterium, scitis scio oēs, isthac
ipsa, vt ita dicam cōpellente, Deus homo factus, suo tē
pore descēdit in terram, vt omnes miseratus, doceret om
nes, non manifestatam antea, sed tamē implentem totam
terram possessione sua misericordiā. Ideoq; vt in Chris
to viuo, & rediuiuo collocati omnes sunt sapientie the
sauri, & intellectus, sic in passo siue patiente, deposita, atq;
altissimis est defixa radicibus, tota quāta erat, & est, & erit
vllō vnq̄ tempore misericordia, quinq; preciosissimis &
lacera;

ante eum

Laceratissimis in foraminibus illis, cruentatissimis in plagis illis quinq; ex altissimo Dei consilio atq; voluntate, eternus misericordiae thronus fundatus est, clauis fortissimis firmatus est, stabilitus est, ex quo quidem humanae naturae in Adam collapsae fuit reparatio, ante Deum natum in fide uenturi, & ex eodē postea uiuentiū oīum, & sēculis oībus victurorū, exposcenda, & expectanda redemptio, expetenda & impetrāda saluatio est. Hinc nanq; atrocissimum illud mortis chiographū nobis infestissimū delictum est, hinc Satanas ligatus in pfundo, hinc cēlum resecratum volentibus vniuersis, quamobrem diuino opificio constructa hęc est munitissima arx Christianorū in quā se se saluandi recipiūt, hęc armatura fidei, nobis induenda necessario, hęc corona nostra quae suos coronat. Ista sospitatrix igitur mansuetissima atq; potentissima vestrae hodie pietati (audire obsecro omnes, audite) vineam Domini, vt exundēt torcularia vino, Virgines miserrimas, latente Dei iudicio a dēnone correptas, famē cadentes, ista orphanulos pueros candidulam turmam egentissimam. Ista Martanas, & miserabiles vocitatas, & male nuptas sēminas, extremē laborantes. Ista tot illas ad dominum conuersas Magdalenas, pauperrimas, totis viribus, tota mēte, totis visceribus, tota voce, tota ratione cōmendat, & cum Prouerbiorū 10, ad vos clamat. Qui misertur pauperi beatus erit, & cum 2 Iac. Iudicium sine misericordia fiet illi, qui non fecerit misericordiam.

Quid vero nūc dicā de corde mūdis Deū videntibus? quibus sexta sedes rectē destinata est, quoniā cordis mūditiā, quā ad imaginē Dei factus homo, sexta die amisit, sexta aetate, die, & hora recuperauit Christus.

Quid de tranquillatoribus mundi? filiis Dei pacificis? qui Psal. 75 confregerunt arcū, potētias, scutum gladiū, & bellū, hoc est vniuersa mūdi inquinamēta, oblectamēta, irritamēta, mūdi grauamina, & vniuersa certamina, interna & externa bella, impugnantia, & expugnantia tela fide vicerunt, fortitudine ppulsauerunt, morte suppedi-

tauerunt, pacem sibi & aliis pepererunt, pacē his qui longe, & his qui prope pacem, quā donorum omnium finis est.

Quid de his qui persecutionē patiuntur propter iustitiam scilicet defendendā cum Maccabeis, enunciandam cum Hieremia, propagandam cum Baptista, conseruandam cum Cantauriensi Thoma, qui quidem octauī iure procedunt, quoniam numerus is ceterarum quasi consumatio quædam videtur esse beatitudinum, & generalem indicat resurrectionē octaua ætate futurā, quā per octauas sanctōrū designari ter magnus edocuit Augustinus.

Plurima sanē in hanc sententiam dicenda essent, Pater Beatissime, pertractanda & recensenda plurima, sed temporis angustia premimur, & quoniā nimis multi in dicendo fuimus, ad finem pperamus: satis itaq; nobis fuerit multa relinquēdo, beatitudines istas cum assidua corporis exercitatione, tum perpetua animi meditatione cōplecti, & istorum vestigia persequi, quorum turbam magnam, & numerū innumerabilem, singulis in annis venturibus, vna sub celebritate nobis magna mater Ecclesia sancta proponit: hos feramus in oculis, hos imitemur hos horis omnibus suspiciamus, tū in tabulis parietibusq; tū in cordibus ~~depictos atq; descriptos~~, sicut filii chariss. delectemur bonorum parentū imaginibus, isti enim sunt qui potestate in vita habuerūt claudere cælum nubibus; isti sunt quorū linguæ clauēs cœli factę sunt, isti sunt qui plantauerunt Ecclesiam sanguine suo, & nostra hæc ex minimis tanta fecerunt, isti sunt qui mira vitæ sanctimoniam, cœlestium rerum contemplatione, diuinarum miseris cordiarum recordatione, & cōmemoratione, atq; in hac plurimorum discipulorū institutione, ac eruditione conscenderunt in montem Galileę Thabor, veras ad vnguē Beatitudines edidicerūt, acquisuerūt, suas fecerunt, mordicus tenuerunt. Idcircoq; ad memoriā æternitatis, maxima extracta est eis ara virtutis, pro clarissima parati victoria de mundo, de carne, de inferno, qui illis non ape-

riet os suum . Huc igitur, huc omne aurum confluat co-
ronarium, omnia infularum genera properent, veniant
murales castrenses nauales, ouales veniant, his ciuice, his
dentur laureæ, his imponatur coronæ laureæ, his extru-
cti sint æterni arcus, & parati eburnei currus, aureati, &
laureati, & ducibus candidissimis fidei mannis, qui sunt
laus & gloria, alte triumphent, se se enim viuentes vices
runt, & cælestia regna possederunt. Quamobrem si licet
Romanis hominibus dicere, derideatur a nobis de Rege
Pyrrho triumphus M. Curii: de Philippo, T. Flaminii,
de Ætolis, M. Fuluii: de Rege Perse L. Pauli: de Pseudo
Philippo V. Metelli: de Corinthiis L. Mummi. Deridea-
tur item Fuluii de Gallia, Papirii de Sānio, Scipionis de
Numantia: derideatur Mariana, Luculliana, Pompeiana
trophea cum ceteris, nam tota de terra fuerunt, & in ter-
ram tota reuerterunt. At nostrorum exercitium istorum u
strenuorum, Centurionū fortissimorū, Imperatorumq;
bellicosissimorum, vt fuere durissima, & fere plusquam
humana certamina, sic etiam extiterant plusquā trophæa u
cælestia, & magnæ illæ quidem Quiritium animæ in ar-
mis sui prodigæ, pro laboribus innumeris, pro duro
Marte, pro mundana militia, Gloriolam tantum vanam
& futilem p[ro]pelli auram, & sine fine mortem. Nostri
vero qui hodie præ manibus sunt heroes, & medioxi-
mi, pro sudore, pro angustis, pro pedore, pro vinculis
pro ieuniis & vigiliis, pro effuso sanguine, solidam glo-
riam, adamantina nomina, æterna sunt vitæ præmia con-
sequuti, tanto illis feliciores atque sublimiores, quanto
erant in perpetuis gaudiis, & exultationibus diuturnio-
res. Compose itaq; orbem ad istorum exemplum Maxi-
me Paule Pōtifex, huc quaslo vaca, & voca tam magnos
q̄ paruos, tam medios, q̄ imos, & infimos, tam de sanctua-
rio, q̄ extra sanctuarium subiectos tuos (oēs enim qui de
grege Christi sunt, subiecti tui sunt) tardos corde, & sur-
dos aure p[er]tinaci impugna & expugna, argue, increpa, as-
fer neruos & industriā, & vince p[er]uiam auctoritate, &

tibi diuinitus tradita potestate, cōtra quā portę inferi nō
præualebunt, ad tantum mihi crede triūp hum te sequen-
tur oēs boni, te concomitabuntur ceteri, qui sanæ men-
tis erūt & præsertim anteambulones erunt, Rectores &
Ornatores populorum fideles tui Ep̃i, & morem gerēt.
Eos enim statim factus Pontifex in maximam spem ere-
xisti, q̃ tuo tempore Ep̃i inciperent esse Episcopi, & nō
vt antea tabernarum circuli, in possessione nāq; illa tua
Laterana felicissima ad lautissimas epulas inuitasti, ante
ora deinceps tua operto semper capite mira cum charis-
tate esse iussisti, faciles aditus ad te patefecisti, & eminētis-
simā dignitatē tūm iniuria & feritate tēporis, tū hominū
inhumanitate iam obsoletissimā recognouisti, & sibi, &
tibi restitulisti, & vt bonis tēporibus in more positū erat,
vetustissimā, & sanctissimā oibus esse voluisti. a vulgo præ-
terea segregasti, simulq; indicasti quod nihil est vulgare
tuū. Quāobrē Propheta toto astante hodierno sanctorū
Concilio dicet tibi, tam iusto, tam glorioso, tam annoso
Pastori, tam vero Christi Vicario. Quoniā Paule Quāte
memor nominis tui, imitatorq; maiorū in diebus tuis exti-
tisti, ponam visitationem tuam pacē, & præpositos tuos
Iustitiā, non audietur vltra iniquitas in terra tua, vastitas,
& contritio in terminis tuis, occupabit salus muros tuos,
& portas tuas laudatio, nō occidet vltra Sol tuus, &
Luna non minuetur, quoniam Dominus erit
tibi in lucem sempiternam, & consuma-
buntur dies luctus tui.

FINIS.